

# ONÆ PHILOLOGI DIALOGI

ALIQUOT

Lepidi ac festivi, in  
UDIOSÆ JUVENTUTIS  
formationem nunc demum recogniti.

QUIBUS ACCESSIT

Adulationis & Paupertatis

Dialogus Pucherrimus, quo juvenus mo-  
netur, ne vel ulla necessitudine devicta  
à bonis literis animum inflectat.

---

*Excussit & recensuit A. G. P. E.*

---

EDINBURGI

Ex Officina Typographica Georgii Mas-  
man. Anno Dom. M. DC. XCII.

# SEQUENTIUM

## DIALOGORUM ARGUMENT

De Natalitiis, five primo die anni. Dialo.  
De celebrandis Dionysius, five Bacchan  
bus festis.

De ratione studii, & præceptoris officio. 3

De adventu fratris è patria. 4

De parentibus, 5

De episcopatu impartito juveni. 6

De comœatu impetrando, 7

De exomologesi, hoc est, modo confitendi 8

De neglecta schola. 9

Confabulatio servorum de suis heris. 10

De præceptore conveniendo, ac vitiis qui-  
bus est adolescentia opportuna, 11

Adulationis & paupertatis. 12





# DIALOGUS

## PRIMUS, De NATALITIIS.

PERSONAE,  
HELIUS, CASSIANUS.



Elix tibi sit anni hujus ingressus. *Ca.* Et tibi annus totus auspiciatus. *He.* Largiatur Deus tibi annum faustum & felicem. *C.* Tibi vicissim omne ævum beatum. *H.* Sit tibi auspiciatum anni exordium. *C.* Recurrat tibi felix usque ac optatum. *H.* Precor tibi in anno hoc novo secunda ac salutaria omnia. *C.* Et tibi perpetuam opto felicitatem. *H.* Num mihi strenuam adfers Cassiane? *C.* Adfero, sed viliores, quam tuæ erga me benevolentiae satisfaciat. *H.* Acqui bonique consuletur quantulumcunque sit quod offers. Gratissimum est, quicquid bono animo detuleris. *C.* Hem tibi xeniolum, in mosynon amoris in te mei, ut quemadmodum

ab amico illud dignaris, sic te *Christus* post annos felices in novum illud & beatissimum suum ævum recipiat *H.* Amicum & Pium hoc munus. En vicissim reddo non quidem par accepto, sed benevolentiae specimen aliquod, ne ingratitudinis apud te coarguar. *C.* Hoc non est beneficium dare, sed accipere. *H.* Quibus auspiciis inistis anni principium? *C.* Noctem hanc magna ex parte epulis, libaminibus, lætitia, ceu animorum impotes, totam traduximus. *H.* Saturnalia audio, celebrastis. *C.* Dici non potest quanta nos hilaritate expleverimus. *H.* Offenditne turba Patris senectam? *C.* Submisit se Pater ad nostram omnium ætatem, ita benevolum se ac obsequentem nobis exhibens, ut nostra etiam studia non dedignaretur: nec mihi lepidus & festivus magis visus est unquam. *H.* Quid autem fecit? *C.* Principio accumbentem familiam ad benevolentiam & concordiam hortabatur, ut si quam veteris invidiæ contraxissemus labem, eam novo hoc anno in gratiam commutaremus. Facta dein consecratione, laudes *Christo* reddebantur concessæ nobis vitæ: & ut annum insequentem citra gravem animæ ruinam inire illius nobis benignitas donaret. Novissime libum elargitus, pinsendi potestatem singulis dedit: interminatus, ne fraude vel techna alienum subtraheret, qui furis calumniam perpetuam devitare velit. *H.* Mater interea nihilo fuit jucundior solito? *C.* Submorosior illa, annis morbisque confecta, jussit antiquæ voluptati renuntiare, & pura mente purum tempus amplecti.

Puer,



Puer, inquit, in cunis vagiens Salvator noster hodie prædicatur, remissurus offensam criminis, quicumque peccati odium habet. Illum adorabitis, qui nunc mitissimus est. Ac statim uterque parens in cubiculum se contulit. *H.* Hæc scio tibi non aridebant. *C.* Mihi animus in libis erat. *H.* Probène munus tuum administrasti? *C.* Nox mihi hora una visa est, adeo eram pinsendi, coquendi, ac edendi studio planè stupidus. *H.* Dic mihi, non tu ibi ad ingenium rediisti, ut aliorum strenuas furtim subriperes? *C.* Cohibui aliquandiu Genium malum, sed non potui quin dolos machinarer servo nostro. *H.* Loripedi illi & cæcio? *C.* Ipsissimo. *H.* Quibus rogo dolis imposuisti verisipelli vulpi? *C.* Vulpinatus contra vulpem: atque ut plerunque fit, fallacia alia, aliam trufit: quemadmodum & astutissima sæpe consilia fallunt. Præfensi illius dolos, sic ut suis eum retibus interceperim. Subtraxi loco vix credito reconditas strenulas octo, corrosi præterea duas: harum micas, ut solent mures, passim substravi, ne possit furti mihi suspicionem accommodare: ac statim me illinc deduxi. *H.* Dignum mediustidius illo dispendium. *C.* Liberale est tacinus, ludere insidias obtendentem. *H.* Annos tu atque dies, non animum mutabis. Sed dum fabulamur, hora abiit. Domum ergo concedo, paraturus cœnam parentibus. Tu interim benè vale. *C.* A prandio te revisam. *H.* Domi, si quid me velis, tibi præstolabor.

**DIALOGUS SECUNDUS,**  
De celebrandis Dionysiis.

P. E. R. S. O. N. Æ,

**ANTIPHON, PHILOPONUS.**

**Q**uid rerum fit? Quam rem agis *Philopone*?

*Ph.* Aliquid ago, ne nihil agam. Nihil dignum facio. *An.* Studes perpetuo. Nimio te studio maceras. *Ph.* Quin otio me sagino. *An.* Quur ergo libris toto die adsides? Quid in literas totis viribus incumbis? *P.* Quo sim otiosus magis. *A.* Num simul otiosus esse, & literarum studia tractare potes? *P.* A vitiis otiosus ita sum maxime, si melioribus studiis incumbam; nec aliquod mihi tempus vacandi malis artibus indulgeam, quæ animo honesti cultus vacuo obrepere solent. *A.* Istud nunquam non facis. *P.* Quo crebrius ago, hoc impensius delector. *A.* Sed nihil oblectare potest, quod perpetuum est; & mediis ipsis studiis aiunt ludos intermiscendos, ut diu studere juvet. *P.* Non sum aversus à ludo, si quando usus poscit, sed priores partes apud me agunt bonæ literæ, quæ illa suppeditant, quibus animus ex negotiorum strepitu reficiatur: voluptatem præbent: quicquid præterea molestiæ in animum influxerit, ejiciunt. *A.* Equidem illas amo, sed ut nunc anni tempus est, ludo posteriores habeo. *P.* Nullum non anni tempus literis amplectendis opportunum. *A.* Non sum adeo demens aut stipes, ut hoc ignorem. At vide, rogo, ut omnia in



# D I A L O G U S

## I I I

in hoc mundo arrident: cælū clarum, Phoebus  
 cidus, prata vernantia. Hæc vel Catonem ipsum  
 (si in vivis foret) ab hoc altissimo sapientiæ stu-  
 dio ad ludos avocare queant, *P.* Si sumas tem-  
 pus hoc commodissimum in excolendo doctri-  
 nâ animo, plus agas quam ut bonas horas illi-  
 berali voluptate decoquas, aut ludo: quod tunc  
 fieri debet, quando rebus potioribus studere non  
 possumus. *A.* Tū forsitan nescis Bacchanalia  
 festa adesse. *P.* Quid nesciam? *A.* Nemo hos  
 dies non multo gaudio, comestationibus, & tri-  
 pudiis excipit. *P.* Pulchra mehercule voluptas,  
 histrionum agere personam, lavas cujuscunque i-  
 maginis induere: & quasi malis furiis exagite-  
 ris suprâ infrâque cursitare: tum eam exercere  
 foeditatem hominem Christianum, cujus vel Ju-  
 dæum vehementer puderet. *A.* Quem hic Stoi-  
 cum habeo? Apagesis cum tua severitate Are-  
 opagita. Orgio ego celebrabo, atque tempori  
 subserviam.

## D I A L O G U S T E R T I U S, De Ratione studii, & Præceptoris Officio.

P E R S O N Æ,

*A D O L P H U S, C L E A N D E R.*

**Q**uis hic est hospes, quem video in ultima  
 planitie? Profecto nisi me fallat animus,  
 aut nihil prospiciant oculi, Cleandrum nostrum  
 cerno, toto iam triennio visum nemini. Adcon-  
 an opperiar dum magis cognosco? *Cl.* Quid me



spectas Adolphe? *Ad.* Gratulamur tibi optatum ac felicem adventum. *Cl.* Et tibi incolumitatem prosperam precamur. *A.* Vix te agnoveram, adeò mihi videris veterem faciem demutasse. Unde nobis advenis, aut ubi terrarum latitasti tandiu? *C.* Daventriæ. *A.* Quid illic rei actum? *C.* Literarum feci stipendia. *A.* Quo autem animo hinc profectus, consilium hoc retulisti nemini? Nam omnes nos, quibus jam inde à puero mutua familiaritate devinctus fuisti, tui solitudine affecti tenebamur, & mortem optuisse te tristis fama edita fuerat. *C.* Rem omnem à principio dicam. Sed virentibus his gramini-bus interim procumbamus, quò liberius ex itinere contentione respirem. *A.* Pulchre mones, & istud te flagitaturus eram. Iam accingere. *C.* Ut primum ex pueris excessissem, atque altiore iam solitudine res mortalium mecum commentarer, coepi rationem inire, cui potissimum me studio dicarem. Rus siquidem colere, aut vilioris mancipii sortem obire planè dedignabar, & parentum inopia parvam mihi ad literarum studia commoditatem fore cernebam. Placuit tamen extra alia omnia, literis bonis memet dedere: quæ immortalem illum animum virtutis stimulis concitant, laudemque pariunt ingenuam, citra quam hæc vita nihil habet expetendum amplius. *A.* Probe tu mihi vitam instituisse videris. *C.* Sic fuit consilium. Ne tamen imbecilla adhuc ætas, & quæ primum adolescentiæ iter esset ingressa, de recto quasi cursu devians, in malas artes impingeret,



pingeret, ductorem mihi selegi, cuius vestigiis insisterem. *A.* Istud sanè rectum. Nam potior ea est ratio, recta statim via ad virtutem progredi, quàm ab erroris lapsu postea revocari. *C.* Audieram adeo plurimum referre, à quo primum recte quis instituatur. Nec unquam felicius, atque rudibus statim annis virtutis fundamenta jaci: quod hæc ætas cujuscunque rei capax, per omnem deinde ætatem resipiat, quo semel est imbuta. *A.* Ita prædicant. *C.* Circumspiciebam itaque pueritiæ formatorem, quem intemerata eruditio, ac vitæ morumque innocentia mihi commendarent. *A.* Quid tantus tibi Præceptor quærendus fuit, aut Philosophus, qui prima vixdum literarum vestibula attigeris, ut vel nostra hac schola contentus esse potuisses? *C.* Eho dic lodes; quando discipulorum ingenia ad præceptoris animum ita non raro finguntur, ut illius etiam mores sibi induant, nonne optimo cuique simillimus esse malis? *A.* Nemo tam est stupidus, aut sensuum inops, qui non id vehementer affectet. *C.* An non *Alexander* Rex literarum rudia elementa ab *Aristotele* summo Philosopho doctus perhibetur? Et *Achilles* Phœnicem, virum & eloquentia & moribus præstantissimum, præceptorem habuit? Quemadmodum *Dionysius* Platoni, *Alcibiades* Socrati, *Senecæ* *Nero* primas studii vitæque rationes debere, historica fide memoratur. *Ad.* Næ tu probo usus es præceptore, quum isthæc per ætatem intelligas. *Cl.* Quàm sim rectè institutus nescio. Hoc certè audacter mihi assumo, pessime  
in



in se consulere, qui ætatem gravioribus studiis debitam, in trivialibus ludis subsidere, & velut ad annos Nestoreos consenescere sustinent: nec unquam nisi sero, ad altiora nituntur. Et plerumque ita fit, ut parvæ scholæ, parvus item magistellus, ac vix ultra primas literas progressus temerè præficiatur. *A.* Hac ipsa re non male cum nostro Gymnasiarcha mihi convenit, nisi quod vapulandi liberalitate effusior videatur. *C.* Tibi forsan commeritas rependit pœnas. Tamen me territabat quorundam sæviendi libido nimia in ætatem teneram atque errori facilè opportunam: qui dum monent, aut corrigunt errata, eò nonnunquam provehuntur furoris homines impotentissimi, ut in hoc sanctissimo negotio, quicquid pudore & benevolentia retineri debet, fulmina quasi deturbent, ac foedissima convitia ne scortis quidem permittenda, spirent. Perdunt impie, dum emendant. Hoc ubi fit, labor & ingenium extinguitur, ac friget amor mutuus: qui tantum hic habet frugis, quantum ipsæ literæ admirationis. Reformidant eum infelices adolescentes, cujus mansuetudine illecti, literarum cupidinibus inflammari, atque ad omnem modestiam componi debebant. *A.* Nunquam, ita me Dii ament, secus putavi, quodocunque parvæ temeritatis pœnas dedi gravissimas. *C.* Credo istuc tibi videri, & falli judicio possis, ut solent qui instituti recti insolentes, vitia sua nec agnoscunt, nec eorum patiuntur remedia. *A.* Mea sic est sententia. Sed dic rogo, nactus es quales



qualem voluisti præceptorem? *C.* Est Diis gratia: quum ejusmodi mihi obtigit, cujus sanctitate me sensi meliorem fieri: nam in literis quantum promoverim, rationem nondum capio. *A.* Recepit te ergo in suorum gregem? *C.* Recepit: sed Phisognomus Pythagoram imitatus, conjectura quadam naturam & mores scitabatur prius. *Ad.* At difficile est, reconditos hominis recessus perlustrare: profundas habet latebras. *Cl.* Quur ita. *Ad.* Non satis te pernovit credo, qualis etiam fueris. *Cl.* Ut probè tu aliorum mores ex tuo ingenio describis, ludibrium hominis. *A.* Concedes mihi si dixerim, prima te fronte non omnia repræsentare. *C.* Si qua labes infederat, eam melioribus postea disciplinis sedulò absterfi, & subsidio fuit gubernator optimus. *A.* Quibus autem modis te instituit? siquidem virum probum esse audio. *C.* Quid ejus tibi vitam prædicem, aut laudem industriam, quum talem se gesserit, uti nemo non magnifica & bona omnia de illo dicere possit: nullusque fuerit, qui non optaret suos liberos ad præceptoris animum efformari: adeò morum probitate, eruditione, vitæ porró innocentia cunctis venerabilis. Et cum erga discipulos candidissimè esset affectus, tum in pauperes sic benignum & obsequentem animum transfudit, ut hoc beneficio multo plures ad literas capeffendas alliceret, qui iam antè rerum tenuitate ab omni ingenii cultu remoti jacebant. *A.* Utinam hoc seculo ludimagistri ejusmodi sint omnes, majorem certe

doct.



doctorum hominum proventum efferri cerne-  
res C. Vidi, qui pauperiem causantes in patri-  
am remigrandi missionem ab illo peterent, pe-  
cuniola statim adjutos, ne vel ulla necessitudine  
á literis animos inflecterent. Quemadmodum  
igitur studiosis oppidó quam lubens opitulaba-  
tur, ita in desides & jacentes accerrimum se vin-  
dicem ostentabat. *Ad.* Non vos ibi mutuam ex-  
hibuistis benevolentiam? *Cl.* Alii quid factita-  
rint, compertum non habeo. Quæ meæ fuerunt  
partes, arripui omnis officii occasionem, qua illi  
me gratum fore sperarem. Et quamvis paria  
præstandi mihi deesset faculta, tamen quum is  
ad informandum tam fuerit propensus, me ad re-  
ferendam gratiam esse tardiozem, indignissi-  
mum duxi, ne ingratissimus planè, & divino  
humanóque odio dignus haberer. *A.* Rectè pu-  
tas. Diis siquidem, parentibus, & vitæ cultori,  
nemo se facturum satis putabit. C. Illum ego  
vel parentibus hoc nomine præpositum habui,  
quod his vitam & corpus cum brutis mihi com-  
mune acceptum fero: illi eruditum animum, quo  
sum divinæ menti similior. *A.* Accedo tuæ sen-  
tentia, tantum abest, ut hic gratitudinem tuam  
desiderem, si præstiteris ea, quæ dicis. C. Nisus  
equidem pro viribus: atque inprimis omni stu-  
dio emerebar, ut esset mihi familiaris: deinde  
persuadere conabar, nullum ejus in me officium  
frustrà collatum. *A.* Qua ratione id potuisti?  
C. Qua ratione potuerim? quasi defuerit, quum  
tam multæ mihi res incumberent, quibus vo-  
lupta-



luptatem illi, laudem ac ornamentum mihi parerem sempiternum. Virtutem nempe, magistri exemplo, publicè, privatimque exercere conabar. Lectiones mihi traditas & sæpe & studiosè mecum revolyi. Quod inde mihi vel fructus, vel laudis suboriretur, totum id ad *Christi* gloriam, atque præceptoris referebam sedulitatem. *A.* Dici non potest, quantum hoc tuum consilium probem, sed de lectionibus, si quid possis, ediffere. *C.* Nec omnia, nec nihil dicam, ne non videar morem gessisse amico. Manè hora sexta præter utriusque linguæ Grammaticen, Dialectices compendium prælegebatur. Sub horam decimam, verborum ac rerum copia *D.* Erasmi Rot: viri de bonis literis egregie meriti, & qui omnem ætatem in studiosæ juventutis profectu consumsit. Pomeridianas aliquot horas in Ciceronis officiis & Terentii Comædiis transmissimus: quas nobis interpres religiosa superstitione enarrabat, & ad digitos perdiscendas commendabat officiosissimè. Non necesse habeo dicere quam fideliter omnia discusserit: naturam hominum, rerum eventus, varia consilia, authoris mentem: si quis item tropus, aut apophthegma insigne lateret, quod moribus colendis & orationis facultati juxtà conduceret, eorum nihil omnium alba, ut aiunt, linea præteribat. Festi dies, sacris dabantur studiis. *Ad.* O te felicem! cui talis obvenit pædagogus. *Cl.* Epistolarum carminisque exercitium alternatim erat. Singulis tamen diebus quæ didicissemus, chartulis



chartulis inscripta velut operæ pensum reddebamus : sic persuasi, parvi nos laboris quæstum facere uberrimum. Nec esse causam aliam, quare plerique ex tantis laboribus, studiòque frequentibus & cui per omnem ætatem inhiant, vix unquam ad ingenii frugem perveniant, quàm quod hanc studiorum partem longe maximam negligunt : nec ingenii periculum faciunt unquam. *A.* Quod tempus jucunditati relictum est ? *C.* Semel aut iterum in hebdomada à studiis animos relaxabamus : ibi ad quod quisque ludendi genus propclivior esset, in hoc se exercebat. Ne alio deflesteremus, aut nostro munere egrederemur, aderat monitor aliquis, qui nos observabat. *Ad.* Cui potissimum ludo eras deditus ? *Cl.* Peculiarem ludum aut eximium nullum habeo, nisi quod alii tempus voluptati dedunt, hoc ergo Musicæ impendo, cui tantum venerationis attribuerunt veteres, ut hujus expertus, à Musis & Gratiis abesse proverbiali sermone diceretur. *Ad.* Dispercam, nisi tuæ me vitæ æmulum præbuero ; nec sectabor hunc ludum diutius. *Cl.* Tu hæc sequere, aut meliora. *Ad.* Vitæ rationem mihi velim præscribas, quando ad alia omnia non pessime compositus videris. *Cl.* Aliàs quum utrique commodius fuerit, lubens obsequar. Iam rectā domum contendo, parentes revisurus, quorum desiderium huc me pertraxit, *Ad.* Precor ut omnia ex sententia offendas, quando ad studia me, & præceptoris cultum excitasti. Et verissimum est, dici quod solet ; Felix avis, boni amici occursus.



DIALOGUS QUARTUS,  
PERSONÆ,  
NICOLAUS, HIERONYMUS.

QUó tam subitò ruis Hieronymè? *Hie.* Hem probe vir, salvus sis, non te prævideram. *N.* Sic solent, qui secunda fortuna sublatis abjectos despiciunt. *N.* Fortuna mihi adeò faulrix & benigna erit nunquam, ut in amicum sublatis animos gerere debeam. *N.* Quid accidit novæ rei, quod sic curris festinabundus? *H.* Frater mihi á parentibus adest. *N.* Venit tuus frater? *Hie.* Sicut audis. Huic prandium coëmere volebam. *N.* Salvum illum venire ex animo gaudeo: & tibi gratulor, quando probæ indolis adolescens est, & ingenii non infelicitis, ut si illam ætatem liberalibus artibus consecret, erit quo patria suum decus aliquando referat. Sed quæ nova narrat? *H.* Permulta sanè, quæ corám audies ipse. Nam ferè eorum secors sum, quæ nihil ad me spectant. *N.* Parentes vivuntne incolumes. *H.* Vivunt Dei beneficio non admodum incommodè, præterquam quòd ex anni tempore vulgus hominum magna annonæ penuria laboret, propter frequentes imbres, & coeli intempestatem. Quæ res agricolis timorem incutit: foeneratoribus contrà ad spem usuræ animos addit. *N.* Hoccine verum prædicas? *H.* Verius, quam velim. Falsum me hic esse malo. *N.* Suspectavi id adeò solícite. Nam postea quàm pecu-

pecuniam in quotidianis sumptibus expenderam, interea usque vitam miseram exegi: & parentum negligentia vix, ægrèque manere potui *H.* Literas tibi adferri intelligo. *N.* De pecunia nihil audis *H.* Nihil quod sciam. *N.* Sexcentas mihi literas sine pecuniis mittant: non morabor hic vel horam amplius. Pecunia, non vanæ chartulæ creditoribus numeranda mihi est: qui, ne fame interirem, rugientem stomachum exatiant. *H.* Lætus sis, argentum simul accipies. Per terrefacere volui, quod voluptas tibi foret major. *N.* Hic aures arrigo, surdus ad alia. At res tua successitne ex animi sententia? *H.* Sic satis, etiamsi plures nummos expectaram, tamen præsentem fortunam benignè amplector, quando alia pinguior nulla datur. *N.* Recte sentis. Nemo siquidem malignè secum agi putabit, cui vel mediocris fors sit, & non omnino iniqua, *H.* Demiror certò, inter tot homines vix paucos inveniri, quos suæ sortis non poeniteat: aut præsentem rerum conditionem satis æquo animo ferant. *N.* Facit hoc, opinor, ambitio humana, quæ intra cupiditatis suæ metas stare nequit: sed ferè semper ultra humana, supraque concessa affectat contentiosa, *H.* Sed pergam quò cœpi hoc iter: tu fratrem, si videbitur, convenito, dum revertor. *N.* Dii bene vertant quod agis, ut parvo ære multa commerceris opsonia, & nos lautius curemus cuticulam.



D I A L O G U S Q U I N T U S,  
De parentibus.

P E R S O N Æ,

E U R I P I D E S, D I O N Y S I U S.

**O** Ptato advenis exoptatissime Dionysi. *Di.* Quid ita mi Euripide? *Eu.* Urbis me tædium jamdudum cepit. Huc itaque progressus, congerronem quærebam, qui mutua consabulatione animum meum exhilararet: cum te mihi hodie voluntate tua dabis. *Di.* Nihil possum minus. *E.* Quur non possis? Num tibi ægritudo aliqua oborta? Quid moeres, aut unde, cedo, ex solitario hoc loco prodis? *D.* Nunquam mihi vita acerbior visa est, intantum infestus casus rationes mihi omnes disturbavit. *E.* Ne lachryma: atque istuc quicquid est, quod dolore animum exagitat, apud amicum expone, fortasse consilio illud corrigam, vel consolatione extenuabo, aut communem hanc tecum ægritudinem feram. *D.* Non possum moestitiam tibi objicere. Nihil est quod apud me verearis, quem in omnem eventum tibi habeas propensum. *D.* Fortuna me gravissimo doloris vulnere percussit. *E.* Dii malum avertant. Quid hoc est? *D.* Matrem habeo, cheu me miserum. *E.* Mitte quæso lachrimas, ne tantopere te excrucies. *D.* Habui scilicet, quæ ab adolescentia animo unice charum me habuit. & quidem verissimis amplexa affectibus, salutaria omnia suggessit. Et ne vividæ ætatis impe-

tu indigna studia contrectarem, præceptoris nostri censure me commisit, interea usque domi exdimenso suo suppilans, quo mea otia suo maximo labore fovere posset, tum quod durior mihi pater obtigisset, in omni mansuetudine ac pietate erga filium, nihil sibi fecit reliqui. *E.* Pium matris ingenium narras. *D.* Eam cum antea gravi valetudine dejectam moestus cognoveram, ecce

De σκυτάλη  
Laconica. Gel.  
libr. 17. cap. 9.

tibi tristis offertur scytale, quæ ex ægitudine fato functam esse docet. Hunc ego nuntium non possum non multis lachrymis excipere. *E.* Et me sanè istæ res ad misericordiam concitat. Deum immortalem, quam misere comparatum est de humana vita, quæ tot fortunæ ictibus objecta, tam fugax est & cito peritura, & in ipsa dulcedine perpetuis fermentata amaritudinibus? *D.* Ah simul me è medio ablatum esse oportuit. Nam quam ego vitam expectam tali parente privatus, , qualis mihi nulla alia erit unquam? *E.* Ne ita animum inducas mi Dionysi, aut luctum hunc feras iniquius: sed te ad doloris vehementiam ipse confirma. Scivisti mortalem eam esse, & hac lege natam, ut necessarium vitæ humanæ finem aliquando fortiretur. *D.* Nequeo parentis oblivisci, quæ vitam mihi, felicitatisque omnis fuerit auctrix. *E.* Acerbum tibi videri planissime persuasum habeo. At moderati est hominis, spem optimam in animo parare, & adversam ærumnam constanter ferre. *D.* Haud facile dissimulamus, quod animo

ægre



ægre est. *E.* Frustra certe incusas, quod consilio nullo queas vitare. Quanto igitur satius est te dare operam, quâ istam ægritudinem diluas, atque animum instituas ad communis sortis recollectionem? Parens tua momentaneæ vitæ insomniis veluti ergastulo exempta, divorum spero consors existit. Vicit mortis molestiam, quam semel, dum in his carceribus vitæ pensa facimus, devorandam exhorrescimus omnes. Vixit *Christo* devota, & quæ omnia ad vitæ morumque probitatem referret: ut gratulandum potius mihi videatur, foeminam pudicam ex hoc mundo factorum forte raptam esse, qui tantum habeat laboris & sollicitudinis. Bono ergo fortique sis animo, nec moerorem altius in animum trans mitte corporis alioqui, ingenii que vires confecturum. Quod iis usu venire videmus, qui insperata formidine perculsi in mortem ilico concidunt. Hoc accidit, quando nativus calor ex omnibus membris ad cor ipsum refugit: cujus deinde copia, ceu oleum flammæ immodicè superfusum vitam extinguit. *D.* Etiam si hanc calamitatem aliquo modo ferre possim, quod spei mihi putas reliquum de studii mei commoditate, cui pater ad rem est attentior, & qui hujusmodi sumptus tolerare nolit? *E.* Nihil tibi ille defieri patietur, quod ad honesti cultum ac studiorum proventum pertinere videbitur: quin omnem tibi benevolentiam accommodabit ultro, ubi te viderit bonæ indolis spem optimam præferre: nec tempus in bonis literis infeliciter posuisse. *D.*

Literarum expers est, eoque iniquus studiorum censor. Tum alia autem cura sollicitor, ne ad novum aliquod matrimonium animum traducat, ibi ex patre mihi vitricus futurus. *E.* Non sic futurum est, & coepta tua honesta *Christus* secundabit. *D.* Ita spero equidem. *E.* Nunc quoniam tenebrae intendunt, in urbem divertamus, apud me coenabis hodie. *D.* Habeo tibi gratias maximas, cum id non possim. Nulla enim res intervenire potest tanta, quæ mihi voluptatem afferat. *E.* Præbebis te inquam meæ potestati, dum hic animi tumor resideat: nec sustinebo moerore amicum contabescere. *Di.* Quando sic stat sententia, nihil recuso.

## DIALOGUS SEXTUS,

PERSONÆ

CODRUS, AESOPUS.

**H**Eus heus Aesope, nemon' huc prodit? *Æ.* Quis me nominat? *C.* Aperi actutum. *Æ.* Quid hominis es, qui ostium pulsas? *C.* Homo frugi & amicus. *Æ.* Nomen ede, aut causam cur veneris, nisi foris opperiri frustra velis. *C.* Aut tu illico me intromitte, aut fores effringam. *Æ.* Istud ego experiri volo: nec puto regnum hic sustines. *C.* Experiri autem? Hem. *Æ.* Magnus te Jupiter perdat, quisquis tam importunè calcibus insultes januæ. Fores hic rumpe, si non ap. rio. Quis es? *C.* Ego sum. *Æ.* En infelicissime Codre, tunc ades hominis infortu-



fortunium? C. Cave istoc me nomine posthac appelles. Æ. Cur ita? an non es quem te semper dictitasti? Quid gestis elephante? C. Nemo me omnium vivit fortunatior. Æ. Num fortuna tibi nubit? Co. Salus me ipsa ex his ærumnis ad summam venustatem provexit. Æ. Unde tanta felicitas tibi intercessit, ut ex pauperrimo Codro, factus sis Mida locupletissimus? C. Deus sum, si hoc gaudium nulla calamitas subvertat, aut contaminet ægritudine aliqua. Æ. Talem ego Deum Orco præficerem. Tam es squalidus, & deformitate ipsa invenustior, ut vel primo aspectu miseras umbras territare possis. C. Tu, si infortunium ferre nolis, cavilla hæc omitte, aut petulantius in me quicquam referre: quandoquidem tui servandi perdendique facta mihi est potestas. Æ. Ohe, Apostolusne es? C. Imò & ecclesiæ pastor. Æ. O elegantem pastorem! tibi ego canem meum non committerem. C. Missa inquam hæc facito, aut te excommunicaverò, ut niger statim fias. Æ. Tunc ineptias male sanus aut commento hoc me ludas, incertus sum. C. Serio loquor. Dico quod res est. Æ. Quæ hæc infania est? Fortunam adeo esse cæcam aut iniquam, indignos potius ut exornet honoribus? Certe verissimum est, quod dicitur: Fortuna etiam sceleratos amplis muneribus demeretur: Sola animi virtus singularem cuique gloriam parit, & nominis conciliat immortalitatem. C. Ego mihi gaudeo: & fortunæ, quæ suo beneficio ex mancipio neglecto dominum me finxit,

gratias habeo. Æ. Servus tu omnium factus es, ne erres. Officium magnum, non beneficium accipit, qui fidi pastoris sanctissimam subit provinciam. Tu autem indignus, qui in beluas imperium habeas. C. Vos ego beluas puto, qui tali pastori sitis auscultaturi: ita nimirum vos depehas oves reddam. Æ. Ludis in re seria. Quid tandem dices pro concione publica, qui nec literas probe sonas, nec evangelia, arbitror, didiceris unquam. C. Ac tropica nugamenta calleo, nasutule, quasi etiam mercenarius aliquis desit, quem concionandi muneri habeam suffectum. Æ. Interim civium animæ, quorum tibi salus commendatur, gravissimè periclitantur, dum aut tu partem feliciter consulis, aut alienus ille mercenarius in oves insontes lupum grassari sustinet. C. Curabimus æquam uterque partem. Æ. Sed miseram illam, & infelicem rempublicam, quæ ejusmodi committatur hominibus. Quondam non nisi communi populi suffragio, & quasi divino augurio ad id muneris asciscebantur, qui ex omni plebe, vel vitæ sanctimoniâ, vel literarum miraculo, vel proveccta ætate, & morum gravitate præstantissimi erant. Nunc quoniam nullo selectu aut sapientia ducimur ad deligendum: pudet dicere, in quot probra ipsi nos conjiciamus. C. Desine has ineptias, non enim curo quam sim parum idoneus, indoctis ego doctus videor, & satis mihi est linguæ ac sapientiæ inter literarum rudes, insipidos, atque mei similes, modo laute vivam, quod ego omnium primum puto. Æ.

Com-



Committitis pauci, iique illiteratissimi vestra importunitate, ut venerandum hoc sacerdotii decus pessimo odio apud plerofque hodie laboret C. Obtundis me hisce verbis, tametsi quid velis, satis intelligo. Sed scis quâ gratiâ huc venerim? Æ. Quî scire possim. quum nihil dixeris? C. Symposia domi meæ agentur, & quoniam iam iisdem studiis ac animorum conjunctione hactenus familiariter conviximus, & mihi hinc discedendum venit, memoriam mei longissimam convivio demandare vobis amicis volui. Huic inverecondum nugatorem interesse cupiebam, qui convivas multa jucunditate exhilararet, & simul operam daret mensæ. Tibi itaque, si non detrectas hæc, lampada trado. Æ. Vide cui delegaveris id officii: in mensa egomet mihi interservio. C. In hoc certamine strenuum te militem cognosco, prior edis, temeto largiter te invites, ne quid vini supersit diligenter caves: curas te molliter, ut aliorum fabulis liberius subservias. Æ: Rides tu me quidem. At nihilo secius partes meas agam. C. Haud equidem rideo, sed par pari refero. Tamen extra jocum, aderis symposiastes in ipso tempore. Æs. Faciam imperata, ac lubens etiam tuo animo obsequundabo.

## DIALOGUS SEPTIMUS

De Commeatu impetrando

PERSONÆ,

MARTIUS, GETA.

**N**Æ tu in podicum perniciem consentis, qui moras hic nectas, nec remis velisque mecum insoles scholam. *G.* Expecto quod mox se huc recipiat anus illa, ut poma uno turone nobis commercent. Vide quæso, ut lento gradu incedit silicernium. *M.* illam vel testudo cursu antevertat, adeò nihil promovet. Ab eo, tu quando lubet, sequere. *G.* Maneas, rogo, jamjam aderit: empta poma tibi impartiam, ne frustra oppertus sis. *M.* Non enim meo malo voluptatem exiguam. Nam per tempus nisi adsim, ferulæ subjicienda erit manus: & nostri præceptoris sævitiam. *G.* Præsto erimus in ipso articulo. *M.* Horam jam duodecimam significavit horologium. *G.* Hem duodecimam autem? vix undecimam esse arbitrabar. *M.* Mihi vel cunctationis poenam indidit. Male pereat ille ædituus, qui errorem hunc nobis sua incuria committat. *G.* Quis sibi horologii curam arripuit? *M.* Corbundus noster. *G.* Illéne surdaster, & lippus? etiam asinus sacra portat? nunquam mihi de homine hoc tantum speravi, ut eò potestatis progredi posse considerem. *M.* Quam potestatem dicis? *G.* An non est ampla authoritas, loquendi tacendique legem campa-

nullis



culis præscribere, cubare in æde sacra, vestes  
religione venerandas, quodocunque visum est,  
induere: Divos item suo arbitrio vestire, ac  
nonnunquam, si ita contingat, ventris crepitu  
iisdem oppedere in ipso templo, quod soli im-  
pune licet: quoniam ibi nemo illum accusare  
audet, aut esse facinoris testis. M. Nugæ. Dum  
tuis deliramentis animum applico, plagas penè  
mihi lucrifeci. Eamus. G. Non possum hodie.  
M. Quur itaque dolo malo me ludis, aut quid  
obstat, quo minus queas? Num ægrotas, ut  
solet vulgus scholasticorum quibus desidia, aut  
torpor morbi causam facit? G. Non graviter  
laboro, sed hucus molestius totum collum exer-  
cet: quare per nostram amicitiam te oro, ut  
absentis causam apud præceptorem agas: veni-  
am scilicet impetres, ne non venisse fraudi mi-  
hi vertatur. M. Ut nates meas in tuam commit-  
tam fidem? nunquam faciam, neque causa ho-  
nesta est, qua te excusam. G. Meliorem si possis  
invenito. M. Habeo opinor, qua te impunem  
fore putem. G. Narra obsecro. M. Ex humeris  
ægrotare dicam. G. Perge. M. Non enim posse  
cerebrosus hoc tuum caput sustinere amplius:  
opus esse Atlante, qui tantam molem obeat.  
G. Eodem dictorio persuade, verrucas libro meo  
increvisse, eoque me non posse venire. M. Si  
isthæc ratio displicet, est alia quam dabo. G.  
Quænam? M. Parentes dicam convivas coena  
excepisse, atque eam curam demandasse tibi, ut  
ad ignem carnes veru extorreas. G. Dii tibi dent  
mentem

mentem oblivioſe, neſcis Veneris diem hodie eſſe ? En quam difficile eſt, mendacem ſecum conſtare : dum mendacium ipſum ut eſt ſervile vitium, ita liberali homine indigniſſimum. G. At in ipſo hoc tempore neceſſarium eſt. Et fertur tempeſtivum commentum interim veritati præmium mereri : nec oratoribus ulquequaque illicitum. M. Orator non ſum, nec ſoleo lubenter falſa concedere; tamen ea conditione ſedulo pro te agam, ut mutuam aliquando mihi tradas operam. C. Quandocunque voles, nihil in me erit moræ.

## DIALOGUS OCTAVUS

De Exomologefi, hoc eſt, modo conſitendi

PERSONÆ.

BERNARDUS, LODOVICUS

Quid foris negotii habes, quoddam his diebus nemo te domi offenderit ? L. Qua gratia ? id rogas ? B. Quia opus erat tua mihi opera atque industria, L. Habui certè aliud ex me quod agerem. Tamen ſi quid in me officii eſt aut ſtudii quo te putas juvari poſſe, ejus tibi ſummum jure facio : & nolim proſecto tibi amico operam meam deſuiſſe. B. Magnas à me feres gratias etiamſi iſtud de te mihi ſemper perſuaſi, & iudicabo ne apud ingratum hominem videamur obſequia tua poſuiſſe. Sed unde prodis. L. Ex beate divo Auguſtino ſacra. B. Quid illic rei tibi fuit ? nōne ut concionatorem audires, Chriſti eſt

vangelium



vangelium é suggestu pronuntiantem, *L.* Hoc ipsum, sed aliud præterea egi, *B.* Num sacris interfuisti? *L.* Non, sed confessionis annuæ religione sum defunctus. *B.* Quis Deus hunc affectum tibi incussit? *L.* Submonuit me ex anni hoc tempore Christianorum religio, quæ nunc se ab omnibus vitiorum sordibus excutit, ut idem facerem. *Be.* Nova isthæc sanctimonia in te incescit: nam non soles sic esse sanctulus. *Lo.* Resipiscendum aliquando fuit ab errore infelici. *Be.* Obvenitne exomologesis cum sacerdote probo. *Lo.* Probo fortasse magis quàm docto. *B.* Parum es fortunatus. *L.* Si scias quam omnes mihi bonæ res adversæ fuerint, tum demum infelicitissimum me diceres. *B.* Narra per Musas obsecro, quid acciderit rei, *L.* Heri, quum subducta ratione eorum, quæ conscientiam divinæ ultionis formidine evulnerabant, satis instructus ad exponenda peccata mihi viderer, rectà pergo ad Franciscanos, quibus facinus est pecuniam pro opera accipere, cujus alioquin eram egentissimus. *B.* Intellego, *L.* Deligo mihi crassum quendam monachum, sed ætatis ad ultimam senectutem spectantis, & qui mihi dabat opinionem sancti viri. *B.* Mirum ni falsus sis. Nam difficillimum est, ex cuculla probum monachum dijudicare. *L.* Audies. Ubi expectassem duas horas amplius, accedo jam solum: saluto. Ille jubet melioribus locum dare (viderat enim unam atque alteram mulierem eodem argumento astare, in quibus quæstus erat, nam mihi facile conjicie-

coniciebat nihil esse) inſto precibus, ne miſe-  
rum repudiet, qui jamdiu oppertus, ordine  
tiam prior eſſet. Ille, ut cerneret impudentem  
ludibundus exilit, atque manu prehenſam ad-  
ducit foeminam divitem. Ibi mihi diſcedendum  
fuit, quum jam omnium ferè oculos in me con-  
vertiſſem. *B.* Doleo vicem tuam. *L.* Aſtiti re-  
tro januam pudibundus aliquandiu, ſi fortè re-  
vocaret. *Be.* Vide avaritiam eorum, qui in ma-  
xima rerum ambitione paupertatem ſuo arb-  
trio ſuſceptam, perferre ſe jactitant. *Lo.* Ab-  
inde triftis atque ægre ferens, nec tamen mu-  
conſilium. *Be.* Nulla hic tibi ſpès alia fuit apud  
Franciſcanos? *L.* Fuit, nam eòdem redii poſt  
meridiem, & ſimili fortuna uſus, niſi quod al-  
hic modèſtius me ſpreverit. *Be.* Quam ex-  
ſationem attulit? *Lodo.* Aiebat ſe apud cive-  
Parifiènſem cœna exceptum, eòque non vacan-  
diutius. *Be.* Hinc mihi animo collige monache-  
rum ſtudia: ille pietatis religione falſa, in pa-  
perem etiam contumelioſus fuit, profuſus in di-  
vites mulierculas, quas poſſit caſco, vino, ve-  
argento emungere. Huic animus in comèſſatio-  
nibus vagatur, ne parva mœra ægrotanti fratri  
conſulat. Vix tertius ſuo fungitur munere. I-  
Iniquum eſt de omnibus hoc ſentire. Nec  
dixi, quòd mihi in dubium veniat multorum  
pia religio, ſed ita obtigiffe: nec me ullius re-  
ligionis odio incenſum hæc prædicare, Deos  
ſtor. *Be.* Et ego bonos monachos excipio, quem  
admodum Homerus Achillem ſuum. Sed per-  
qu



quid deinde factum? L. Quid agam contemptus cogito. Corrafi ex amico duodenum, quem pollicitus sum bona fide reddere, etiam si nulla ejus mihi spes esset. B. Pluris fortasse confessus es, quàm pransus. L. Imò jejunos etiam dum ad templum Virginis matris diverto. Quum jam intrepidus accedo, extemplo rogat Sacerdos, qui sim. Respondeo, Germanum me esse. Ille exclamat, abi Germane ad tuos: nihil Gallis cum Germanis convenit, ne lingua quidem. Ac statim assistentium risus simul exoritur. Ego ne diu ridiculus essem, quàm potui ocysissime illinc me subripui. B. Hic rursus opus fuit consilio bono in re mala. I. In hoc totus eram, & deliberantem me ratio ipsa eò ducit, ut alterius tunicam induam non vilem. Jam ornatior, Augustinianos peto. Circumspicio, qui mihi tum primum visus est, adeo hominem veterem, altera manu argenteum nummum ostentans. B. Consilio felicior es, quàm rebus ipsis. Tandémne successit? Lo. Successit, sed ita, ut ægrè discerneres uter alterum doceret. Nam is parum latinus erat, & ego Gallicum idioma Germanicè sonabam. Ber. Fefellisti non intelligentem, quæ confitebaris. L. Non profecto volui: idcirco latinè ut plurimum loquebar. B. Nec ejus linguæ peritum fuisse ais. L. Ego mihi satisfactum puto, quæ potuerim libenter voluisse. B. Quam tibi poenitentiae legem præscripsit? L. Ut peccatis displiceam, atque vitem quæcunque criminis labe animam inquinare possunt.

**B.** Summum hoc remedium, si quis assequi possit. **L.** Assequeris ubi mentem ad meliorem vitam dederis, atque foedis istis cupiditatibus, quæ animam peccati obsequio fatigant, injeceris habenas. **B.** Laudo te, qui istec putes: facturum ad eundem modum, ut primum me hac cura expediero, quæ nunc mihi ex parentum imperio incumbit. **L.** Quænam illa est? **B.** Epistola mihi ad patrum latinè conscribenda est de ratione studii mei: ea, quantum animi mei conjectura assequor, argumento illi erit impensæ à me diligentiae. Et quia scribendi artificio leviter instructus sum, rogare te in animo habebam, qui mihi studiorum symphœtetes charissimus semper es habitus, ut hac in re tuam mihi operam dicares. **L.** Jam antè præmonui, ne formidares quidvis mihi oneris imponere. Rogari certè nolo, admoneri volo. Nam nostra necessitudo nullum me patitur officii munus prætermittere. **B.** Idem apud me semper habebis. **L.** Vis domi tuæ scribamus? **B.** Commodius sic mihi videtur, si non sit molestum tibi. **L.** Quicquid amici nomine facio, molestum mihi non est, & honestum puto. **B.** Eamus.



## D I A L O G U S N O N U S.

Expostulatio cum studiorum socio, de neglecta schola.

P E R S O N Æ.

B E R N A R D U S, L O D O V I C U S.

**T**U mihi multis modis accusandus es cum ista tua negligentia. *L.* Quamobrem mi Bernarde? nunquid imprudens designavi, quod te male habeat? *B.* Videris mihi præter parentum expectationem, & præterquam tua ætas postulat, facere: qui tam parvi momenti deputes artes liberales, ut his aliquot diebus ne semel quidem scholam sis ingressus. *L.* Per me non stetit, quo minus venerim. *Be.* Quid igitur ab illis te abstraxit aliud? Nam id tibi non volupe, & perniciosum esse certo scio, vel quòd absentiae mulctam apud ludimagistrum lues, tum traditæ nobis disciplinæ jacturam feceris gravissimam. *L.* Res non patitur quemlibet ita, ut velit, vivere: & tempus atque usus quotidie aliquid afferunt, ut quod animo primum habueris, id vel mutes, vel intermittas, quando sic fortunæ poscit libido. *B.* Nec ego vivo ex animi voluntate, sed ut possum: tamen non audio, cuius rei inopia detentus, literas posthabere quiveris. *L.* Non possum una fidelia duos parietes dealbare. *B.* Quid hoc verbi est? an tibi res alia magis impendet ipsis literis. *L.* Primum videre cogimur, ut vita in tuto collocetur. *B.* Sic censeo. *L.* Ego

**L.** Ego in id discriminis miser deveni, ut opera mihi sit vita. **Be.** Bona verba, parentes tibi victum facile suppeditabunt. **Lo.** Eorum negligentia res mihi ad summam necessitatem rediit. Nam ut sensi diutius me destitui, fuit mihi ejusmodi provincia subeunda, ut mea opera apud civem aliquem vitæ necessaria aucuparer, quando isthac temporum acerbitate nemo hominem edacem gratis alere velit. **R.** Justior tua est excusatio, quam optare debeam. At non credideram parentes tuos sic nulla pietate posse moveri, ut omnem statim animum de te abjicerent. **L.** Quis scis, an in eodem mecum malo versentur. **B.** Haud spero. **L.** Dum per facultates licuit benigne obsequuti sunt: nunc quoniam implorare fortè res non patitur, necessum est hoc me facere, ut illos quamminimè gravem, nec à literis latum digitum discedam. **Be.** Atqui studiosi homini in primis conveniebat, vitam ab aliis rebus exemptam agere, quo magis uni literarum exercitio intèger esset. **Lo.** O fortunatos, quibus parentum beneficio liberum est, per omnem ætatem in hoc pulcherrimo studio immorari mihi quidem istud licuit nunquam. **Be.** At quis fit, ut plerisque longe posterius ad solidæ eruditionis arcem proserpere videas, qui fortunæ facultatibus cæteris sunt priores? Pauperes enim homines non semper eam contingere, minus deo miror. Illi interim prohibentur vel temporis ipsius injuria, vel penuria præceptorum, atque quòd sua otia nutrire nequeant. **Lo.** Quibus vita in rerum abundantia deliciatur, labores



ferre nolunt, & hac laude contenti, non progrediuntur altius: inopes, quoniam male favet fortuna, omnem in exornanda ingenii nobilitate sumunt industriam, qua cæteris & mirabiles sunt, & se simul à miseria afferant. *Be.* Dicis veri similia, & hoc mihi charior eris, quod in magno discrimine literas necdum omnino relinquis. *Lo.* Possem commodius apud parentes degere: ni studii gratia quidvis hinc pati malim. *B.* Ne ab incepto tuo desistas, habebis aliquam subsidii spem apud me repositam, donec majorem à tuis accipias. *L.* Merito te semper feci maximi, cum in adversis rebus opitulari te mihi velle intelligo. *B.* Dignum est ut faciam: nec aliorum volo accipias hanc criminationem, quam ut mei in te amoris esse duxerim vel hortari, vel familiariter admonere, si quid delinqueres. *L.* In istam partem, aut meliorem interpretor, & idem rogo semper facias.

## D I A L O G U S D E C I M U S.

P E R S O N Æ.

S I M O N, J A C O B U S.

**S** Alve mi Jacobe. *Ja.* En charissime Simon, saluum te esse jubeo. Bene factum, quod nos tandem inviseris. Quo pacto domi vivis? Satisne ex sententia? ut valet tuus herus? Si Omnia salva, *Christi* benignitate. Tu quam vitam agis? *Ja.* Incolumem sic satis, sed tenuem & maceratam. *S.* Præstat cum sospitate pauper-

pauperem vitam traducere, quam afflictam, etsi luxu circumfluentem. *Ja.* Et ego pauper vivere, ex salute malo, quam ditissimus in ipsa vita periclitari. Tamen dives vivere sine molestia, si detur, potius optarem. *S.* Istud impunè optare licet. Sed ut quimus, aiunt, non ut volumus. *Ja.* Quid rerum agitur? *S.* Apud me nihil magnæ rei fit. Tu cum Musis sedulò rem habes. *Ja.* Non admodum. *S.* Ignosces, si parum in tempore tua studia interturbem. *Ja.* Quin hoc precare, ut ignolcam quòd tam insolens me interpelles. Nam scis te mihi charissimum esse, & nullo me tuæ consuetudinis capi fastidio. *S.* Nec me quidem tuæ familiaritatis poenituit unquam, qua me tibi cum multa benevolentia devinxisti; sed ea me quamdiutissime frui non posse, id seriorè tristor. *Ja.* Quid, malum, hoc infortunii est? num hinc aliò commigraturus? *S.* Evenit heri meo iter, in Hispaniam ut iret ad fratrem, qui jam menses quatuor vehementi morbo affectus, mortem interea semper expectat: & hunc herum meum, eorum omnium, quæ labor ac longa vita dedit, hæredem constitutum in votis habet. *Ja.* Divitem illum, & cui plus satis est rerum? *S.* Desine, sic visum est Fortune in miseros nimium iniquæ, & quæ habent semper superaddat. *Ja.* Utinam ad me aliquando veniat. *S.* Cæca est: non adit homines probos aut doctos. *Ja.* An tu abeuntem dominum comitaberis? *S.* Imò istic hærebimus aliquandiu: nec mihi remeandi spes certa est, nisi ob



cio meo apud illum defungi velim, qui exulem me & hospitem suis ædibus excepit, atque passus est clementi servitute victum, corporisque cultum mereri: quod scilicet nec utile mihi & turpe videbitur. Quid autem agas aliud quàm ut cum omni studio amicum servandum statuas, qui tibi author magnæ fortunæ esse possit? S. Ita quidem apud me deliberatum est, atque eo animo huc veni, ut nostro amor, qui à parva consuetudine ortus, ad summam benevolentiam accrevit, extremam jam manum imponerem. Quare gratias quammaximas tibi habeo, mi Jacobe, & hoc aurum ab amico accipe, præmium aliquod tui obsequii, ne apud te ingratus habear, quem tu nullo aut officio aut amore superiorem esse sustinuisti. Et quoniam me, dum coràm agerem, consilio juvisti & condecorasti disciplina, nunc etiam absentem & ames & desideres precor. J. Non patiar per te mihi quicquam muneris obtrudi, à quo majora accipi, quàm ut tuam hic gratitudinem requirere debeam. Nec puto mei etiam pudoris esse, quum nihil suave sim mèritus, talem mihi gratiam velle repositam. Si enim tuis studiis obsequutus sum unquam, aut gratificatus voluntati, sive mea tibi consuetudo grata fuit, seu profuit industria, ea me facere non tam decuit, quàm non fecisse mihi fuerit turpissimum: & tui mores elegantissimi facilè me ad omnem benevolentiam incitabant. S. Haud illud exhibeo, quasi tuo merito faciam satis, sed hic nummus à memoria

ria tibi erit, ut mei memoria tuo animo quam ditissimè inhæreat. *Ja.* Amor ille noster altius in corde meo insculptus est, quàm ut ulla oblivione exteri queat. Tum animorum *συμπάθεια* facit, ut nunquam possim non tui meminisse. *S.* Sine hoc me impetrare, & vale in omne ævum felix, nostrique vive memor. *Ja.* Jàmne quæso abiturus? *S.* Hoc ipso temporis puncto. *Ja.* Pedèsne iter ingredieris, an eques? *S.* Carpento, audio, advehemur. *Ja.* Salva res est. Num rei vestræ sarcinam aliquam concipitis? *S.* Præmissimus quorum nobis usum fore putamus. *Ja.* Si quam suppellectilem habes, aut ejusmodi, quod apud me deponere cupias, vel fide integra ad tuos perferri, non gravabor eam provinciam suscipere. *S.* Nihil habeo, & si quid esset, committerem id tuæ fidei. *Ja.* *Iesus* ergo te mihi diu servet incolumem, & nostram consuetudinem, quoad ejus poteris, cole. *S.* Faciam sedulo. *7.* De rebus tuis, ut primum istuc veneris, certio rem me facias. *S.* Curabitur diligenter.

## D I A L O G U S U N D E C I M U S.

De Præceptore conveniendo, ac vitiis quibus adulescentia est opportuna.

P E R S O N A E.

C O N R A R D U S, P A M P H I L U S,  
G Y M N A S I A R C H A.

**S**Alve plurimum dilecte Pamphile. *Pa.* Salve tantundem mihi desideratissime Conrardo. *Co.* Quæ



*Co.* Quò tuum iter deflectis? *Pa.* Ad teipsum.

*Co.* Num me conventum expetebas? *P.* Scilicet, nisi te aliud dehortetur, *Co.* Si est quod inecum agere cupias, habebis me voluntati tuæ obsequentem. Sed nos in angulum hunc subducamus, ne prodeambulans præceptor nos fortè hic observet, aut illiberale facinus aliquod designare suspicetur, *Pa.* In ea re periculi nihil est, nam is quoque mihi est conveniendus. *C.* Quid habes consilii, quod ad me deferre volebas? *Pa.*

Memini ex te auditum, jamdudum tibi fuisse in animo, hinc cum probo aliquo ac fido sodali in Academiæ universitatem proficisci, ut majore in schola, præstantioribus etiam disciplinis ingenium excoleres. *C.* Rectè audisti. *P.* Quæ nunc tibi de istac re stat sententia? *Co.* Eadem quæ olim: modo mihi detur, qualem animo optaverim, itineris hujus comes. *Pa.* Quid si me istum digneris, cujus animum in rebus omnibus tibi adjunctum senties? *C.* Si istud animum inducis parentum voluntate licere, & ex re tua esse, nolo inecum tibi obsequium desieri.

*Pa.* Ni nossem parentum sententiam consilio meo accedere, nunquam istud tibi pessime in me committerem, ut quicquam contra eorum imperium facerem. Quare si me studii tui socium receperis, non reformido in quencunque fortunæ eventum tecum venire. *Co.* Quasi id me rogare debeas, aut ego quemvis alium mihi dari malim, quàm te adolescentem modestissimum. Quin accingere, & me quocunque vocat virtus,

præeuntem consequere. *P.* Adero ad omnem virtutis laudem paratus. *Co.* Collegisti suppellectilis tuæ sarcinam? *Pa.* Non amplam habeo, dictum ac factum composuero. *C.* Vísne præceptorem adeamus, acturi gratias præstitæ nobis disciplinæ: simul ut illius permissione ancoram hinc solvisse dicamur? *Pa.* Imò sic cupio & volo. *Co.* Eamus, Dii aspirent coeptis. Precamur tibi salutem observandissime præceptor. *G.* Salvi sitis optimi adulescentes: quid vobis in votis est? nónne ut me de re quapiam consulatis? *C.* Nisi incommodum tibi sit, aut possis ex tuis negotiis aliquid nobis otii impartire, eramus te paucis interpellaturi. *G.* Commodum est, eloquimini. *Co.* Hortantur nos parentes, quibus omnem obedientiam debemus, & ipsa ætas jam adulta commonet, ex triviali hoc ludo in Academias itare. Quare tibi gratias habemus quod tuam nobis disciplinam fideliter detuleris, curaverisque virtutum nos studiis, ac optimis artibus erudiendos: relaturi uberior em tibi mercedem, si quando per fortunæ facultates liceat. Nunc quando hinc sumus abitur, rogamus ut id pæce tua fiat. *Gy.* Quicquid vobis vel studii, vel doctrinæ præstiti, id ex animo præstitum velui, & cumulatè mihi satisfactum arbitror, si eam doctrinam quam mihi referam acceptam, optimis moribus, ac vitæ continentia ipsi referatis. Quando autem parentum imperio vos avocari dicitis, abite mea voluntate & date operam, ne vestra incivilitas aliquando laborem



labem meo officio conciliare possit. Co: Cura-  
bimus diligenter. Gy. Vos etiam diligenter mo-  
neo, ne illam ætatem malis studiis corrumpi  
sinatis, aut labi in vitia adolescentium. Et quo-  
niam proborum hominum consuetudo ma-  
gnum ad virtutem habet momentum, vitabitis  
eorum consortium, quicunque improbitatis no-  
ta sunt attracti. C, Utemur selectu ex consilio  
boni viri. Gy. Ebrietas adolescentiæ turpissima  
est, & quæ ingenium planè extinguit: nec mi-  
nus nocet crapula. Perdita est ætas illa quæ ad  
voluptatē & libidinem sese dedit, aut meretricio  
implicatur amore. Ibi enim omnis industria ja-  
cet, & mens illa humani pectoris circa rem foc-  
dissimam occupata, nunquam se ad bonam fru-  
gem erigit. Levius vitium est in adolescente rei  
profusio, sed quæ magnæ inopiæ soboles existat.  
Hæc subinde vos docui, nec necesse habeo in  
memoriam revocare. Incumbite ergo in omnem  
virtutem, ac feliciter valete, C. Et Jesus re  
nobis servet incolumem.

## D I A L O G U S D U O D E C I M U S,

P E R S O N Æ,

A D U L A T I O, P A U P E R T A S.

**P**Erecastor hic dies multis mihi voluptatibus  
oneratur. Nam vix hodie expergiscor,  
quum me puer ad jentaculum invitat: accessi,  
curavi me mollissimè. Rursus vocor ad prandi-  
um, quum me satias omnis cibi teneat, necdum

antelucanam crapulam fatis concoxerim:  
Quamobrem? nisi quòd me ad aliorum inge-  
nia sic paro, quasi suspiciam: omnibus assentor,  
in os corripio neminem, & quum omnes sua  
quemque gloria celebros, tamen dissimulato  
cachinno rideo omnes. Sino stultos errare, &  
insanos homines sapientes dici: quod mihi bo-  
num est, & volupe. Id adeò ex ipsa re mihi venit  
in mentem. Heri aliquot aulici homines huc ap-  
pulerunt, quibus omnia præterquam sibi ipsi sa-  
piunt: & se primas habere putant. His ego  
egregia venerationis specie obrepfi, formam eo-  
rum, prosapiam, nobilitatem denique admirata.  
Ubi sensi homines stultissimos vana laude ceu  
hamato vermiculo pisces capi, ibi animi virtu-  
tem quæ illis nulla fuit, supra astra, suprâque  
cælos extuli. Complèctuntur certatim me mu-  
nusculis: conviviiis, balneis, unctionibus, ali-  
isque deliciis excipior. Aliis alia placent. Mi-  
hi illa vitæ ratio potior visa est, quæ in luxu ac  
voluptate residet. Ea quoad licet, fruar: quoni-  
am ante tempus in miseriam consentire, hominis  
est extrèmè desipientis. Huc itaque animi gra-  
tia prodeambulare juvat, dum obsonia paran-  
tur. At quæ hæc est mulier, quam foris nescio  
quem manere video? Furialem deam esse reor.  
Siquidem cadaverosus pallor, macies plus quàm  
osseæ, vestis semilacera, non hominem, sed quam-  
piam à furiis oriundam repræsentant. Adoriar.  
Quid rei tibi hic est impura fœmina? P. Ex-  
pecto, qui meum connubium moderato ferat  
animo



animo. *A.* Totum seculum frustra hic operieris. An quisquam mortalium adeo sit demens, sponsum qui se esse velit foeminae horrendissimae? si foeminam nuncupare licet. *P.* Non ambio spon-  
dos, qui multi mihi sunt, sed cui benignè mecum conveniat, desidero. *A.* Quid monstri es? *P.* Euge, ne parum sis petulans. *A.* Quae igitur belua aut incantatrix es? nam foeminam te vix agnosco. *P.* Parens ego sum omnis humanae industriae. *A.* Oh parentem industriae. Lainiam te credideram. Nomen dic sodes. *P.* *Πενία*, *A.* Paupertas tu es? fuge, fuge hinc in extremas terras. quid restitas? quid hic tibi negotii est odiosa fera? *P.* Mihi? Quasi ulla orbis terrarum regio sit, aut coeli tractus, ubi ego exulem. Tibi nusquam locus, nisi apud aulicos, apud stupidos, & qui vitam exigunt ab omni virtute sejunctam. *A.* Quos mihi fatuos homines obgannis perdenda pestis? quam ego puto infra omnia mancipia esse. Et ni ocysime hinc faceffas, quae hisce me convitiis laceffiveris, faxo ut pessimo exemplo in lutum pro-  
voluteris. *P.* Vide, ne eò petulantiae procedas, ut indignum me quippiam committas. Sustine hic me astare, quam magni, etiam reges, & philosophi summi non violenter tolerarunt. *A.* Toleret te, qui se miserum esse velit. Ego tam insana ero nunquam, ut mihi consuetudinem tecum communè cupiam. *P.* Hoc nibilo es felicior. Nam tibi si res grata mecum foret, constantius multò te haberes, nec esset quur ipsa te rident-  
dam

dam vapulandámque cæteris subjiceres, dum stolidissimo cuique obsequii simulatione affurgis, aut nebulas fumósque flagitiosè venditas. *A.* Heus tu Proserpina, verbum si addideris jam sine mora sublime arreptam in mare precipitabo: ut te Dii Deæque omnes radicibus extirpent cum tuo odio. Quid hoc audaciæ est etiam obloqui, aut provocare me audes? *P.* Maledictis certas cum ea, quæ à multis projecta fastiditaque jacet, & se vinci patitur facile. *A.* Et jam feres plagas. *P.* Tantum in me tibi licebit nunquam, etsi petulantissima sis & eò impudentiæ projecta, ut tuam voluptatem nullumquam foeditas retardare potuerit. *A.* Dixi. *P.* Si quid est à me peccatum propter quod meritis vel tu, vel plerique homines mihi succenseant liceat id refellendo corrigere, aut emendare purgando. *A.* Putásne ullo te crimine carere, aut odio pessimo? *P.* Experieris, ubi modeste mecum contenderis. *A.* Indigna es, quicum sermones cedam. *P.* At tu impudentior, quàm cum innocentia cordi esse possit. *A.* Quasi innocens tu, & non scelestissima sis. *P.* Quo magis intelligas, utra nostrum scelestum aut exitiosum magis existat, dabo tibi jus quidvis dicendi ea lege, ut vicissim per te mihi fas sit falsa redarguere, partem meam verissimis tueri rationibus: aut si victoriæ laus penes te esse possit, ultrò tibi concedam. *A.* Etsi mihi rem tecum esse nolim, hoc est, cum paupertate, qua nulla alia gravior pestis extat apud homines, tamen hujus certaminis palma



palma freta, tibi indulgeo dicendi libertatem. P. Paucis dicam, tu placide ausculta. A. Vix illud possum, sed eloquere. T. Quòd invisam me tantis imprecationibus vulnerant homines & execrantur, id mihi immerito accidere, & extra noxam me esse intelliget, qui se nostræ orationis arbitrum servavit incorruptum. Nam cui summi homines, quos sua virtus immortalis gloria claros fecit, magnam olim venerationem attribuerunt, eam iniquorum desperata malitia indignissimè oppressam deturbat ad calamitatem. Si mortales suæ originis memores, vera bona amplecterentur, nec tanto habendi studio æstuarent, nolint eam abjicere, quæ multos ad virtutis innocentiaque extulit laudem. Nunc quoniam in tam diversis hominum ingeniis pauci innocentia rationem colunt, & sceleratissimi plerique, quos impunita licentia, atque aliæ ex aliis ineffrenatæ corporis libidines gravi servitio premunt, ad summos honores, præter æquum irrepere nituntur: ego non solum extra calumniae crimen esse non possum verumetiam pessimo odio apud illos immerita, laboro. Et si Po. Ro. in ipsa libertate educatus, & qui imperium ex parvo principio ad extremos mundi fines propagavit, ducentos annos amplius ita me æquo tulit animo, ut quanto rerum minus, tanto certe minus esset cupiditatis, & parsimoniae honos major: non video quur insontem mollissimi homunciones deliciis, ignaviaque perdit, sua lacerent malignitate. Olim præ-

præstantissimus quisque sua eximia animi fortitudine ac militiæ gloria illustris, non divitiis pollens videri voluit: quæ scilicet pecuniæ studium, & abundantes voluptates primum invenere, tum autem omnem militarem industriam obtriverunt. Nam postea, quam Romani paupertatis cultu fastidito, divitias mirari cœperunt, ibi demum omnis belli gloria, omne virili animi robur mollitie, ac vita luxu effluentia fractum decidit. Errat etiam vehementer, quis arbitratur idcirco paupertatem in tantam execrationem vocari, quod servitutis jugum perpetuum ferre, facere & pati quidvis jubeant, quod scelerum sibi ministra, quod laqueos ostentem, aut honoris viam intercludam. Non horum sum auctrix, sed potius repultrix: ne quis judicii sinisteritate correptus, deploratam mendicitatem falso me audeat appellare. Non mihi deest ampla ad dignitates materia: desunt qui per me ad summi boni fastigium progredi dignentur. Et quando sic hominibus studeo, ut bonis neque defuit, quod ad vitam propagandam pertinere videtur: neque supersit, quod possint ad voluptatum cupidines incitari, non idcirco dignè mihi stomachantur homines, quod die nocteque foeda voluptas tenet occupatum, quum intelligant per me sibi peccandi ansam abreptam. Quandoquidem me quisquis amplectitur & colit, is bonam vitiorum partem jam effugit. Veneris enim vero facibus non perdis æstuat, nec habet quod in meretricum inglu-

vien



rem dilapidet. Aleator non est, ut nec usura-  
rius. Non flagrat ambitione. nec alterius ma-  
rescit felicitate, sed sorte sua contentus, quærit  
quod in proximo est. Haud illum remordet  
magni sceleris conscientia, quemadmodum nec  
acceptæ repulsæ languet contumelia. Superbia  
nemo magis vacat, quam qui sibi pulchrè con-  
siliis, suo se metitur pede. Curæ obstrepentes  
nocturnam quietem trahere non retardant:  
non illi crapula graves morbos parit, ut solet iis  
qui novis se epularum illecebris immergunt.  
Nunc igitur si apud æquos iudices, qui pauper-  
tatem me, non extremam indigentiam interpre-  
tarentur, exculpatione est concertandum, facile  
concedant extra culpam me & innocentem esse.  
Si malorum odio opprimimur, tam id patiemur  
benignè, quam omnem contumeliam consuevi-  
mus ferre. Si pro meritis aut execranda sum aut  
volenda, conferamus æquitatem: nec honoris  
fructu privabor, & intelligent omnes bonorum  
me esse causam. Enimvero ex æquo omnes si  
divitiis abundarent, nemo in tanta rerum copia  
partem meditaretur, aut sapientiam, nec in ali-  
quo egregio facinore poneret industriam. Jace-  
ret omnis humana inventio, leges, justitiæ fun-  
damenta: nihil ornati, nihil magnificum in  
mundo foret. Quis etenim fabrilia tractare,  
aut naves compingere dignaretur? Cui possit  
nulla tanta necessitudo incumbere, ut agricola  
terram aratro fodere per scrupos, per saxa, la-  
trantem stomachum aratro pene exatiare, lon-  
gam

gam sitim aquâ effossâ, gelûque concretâ leva  
 non gravaretur ? Quis cerdo in tanta foedita  
 jumentorum exuvias mucro ac putore squalid  
 suo more exercere possit ? Nemo in altis rup  
 bus foderet, vel vineis jaceret fundamenta, c  
 rvâque falce rubos refecaret : agrum aut fer  
 ret, aut meteret, quem divitiæ suis auspiciis v  
 tam agere paterentur. Hic maris certissima p  
 rricula, ipse incerta subit : ille parvo ære co  
 ductus, suo ipsius sanguine hostem à muro arce  
 ne omnis ætas ad cædem & cruorem extrah  
 tur. Est alius, qui diverso studio, & suis,  
 publicis rationibus prodest. Alius, ne nost  
 fordibus infecti extingueremur, ob rem cloac  
 expurgat. In summa, ne lectus quidem, a  
 domus privata : nec cultus, nec honos aliqui  
 quæ à me profecta sunt omnia, si ejusdem f  
 cultatis omnes essent : sed vitam agerent hom  
 nes terarum ritu, quas natura rationis expe  
 tes, & ventri deditas finxit. Quamobrem unu  
 Id ab hominibus precibus contendo, ut si nu  
 quam malè sum merita, si per me industria  
 acceperunt, qua se ab illa extremæ indigent  
 assererent turpitudine : si ego auctrix hone  
 vivendi pro cujuslibet dignitate existo, ut n  
 si non patienter ferre, saltem extra gravem o  
 humaniam esse velint. Dixi. A. Si quantum  
 hac oratione inverecundi commenti spiras, ta  
 tum tuis verbis inesset vel veri, vel a me fid  
 adhibendum, non detrectarem tuæ sententiæ a  
 cedere, & veluti superata, honoris palmam t  
 buer



quere victrici. Nunc quoniam falsis argumentis  
 annexa, veritatem ipsam ita manifesto menda-  
 cio evertis, ut quibus verbis culpa te vacare pu-  
 eas, ea te magis ac magis sceleris ream citant,  
 quis jam ferat tuam audaciam? Nam hoc om-  
 nium primum satis constat, Paupertatem om-  
 nium malorum esse stirpem ac semen. Quic-  
 quid vel periculi, vel laboris impendet, hoc  
 tibi debent miseri homines: famem, sitim, ci-  
 nices, pediculos, pulices, casulam alienam, nihil  
 juris, nihil honoris, ludibria, damna. Et cum  
 earum rerum penuriam lugent, quæ vitæ suf-  
 fulciendæ sunt dicatæ, tum etiam dulcissimo  
 consanguinitatis fructu privati, ab omnibus no-  
 tis & amicis deseruntur. Quo vel solo nomine,  
 quid te execrabilius dici vel fingi possit? Si-  
 quidem hoc ego arbitror in vita mortalium  
 horridum esse, ut homines mutuis se obsequiis  
 complexentur & ament, humani nihil à se alie-  
 num putent, ac in commune referant accep-  
 tum, quod nati, quod ad mansuetudinem facti  
 sint. At pauperis, & in miserrimi mortalis ca-  
 tunc projecti necessitudinem nemo respicit, aut  
 ambigit amicitiam. Ut mihi comicus ille verè  
 dixisse videatur: *πενίας οὐδαμῶς οὐδὲν πέφυκε ζῶον*  
*οἰσεῖται* Hue spectant, sacrilegia, furta, latrocinia,  
 & ejus notæ alia facinora, quæ miseri tua ad-  
 lecti injuria committere creduntur. Qua ergo  
 ratione criminis expertem te esse opinaris?  
 Dixi. P. Persuadere potuissem jam antè vul-  
 gus hominum non recte istud sibi in animum  
 in

inducere, & te omni via errare, ni plus ap-  
 te valeret illapsa animo voluptas, quàm virtu-  
 studium. His enim vitiis, quæ ad me ref-  
 auëtricem, impingunt potissimum illi, qui sibi  
 fato susceptam perpetuam sustinent mise-  
 am: tam certè mihi absimiles, quàm est cor-  
 olori. Nam si innocentiae dulcedine trahere-  
 tur, si ulla in iis animi nobilitas insideret, quæ  
 noctes, & dies admonerentur, non parvæ m-  
 lestiae fuga arduam virtutis viam esse desere-  
 dam, fugerent nimirum voluptatem, vitare  
 otia prava: atque ea demum facerent, quæ  
 sunt paupertatis cultoris ingenui. At nunc cõ-  
 trà homines scelesti corporis oblectamento iu-  
 mam felicitatem metiuntur, nec mecum mo-  
 ratè, nec sine me vivere possunt: & dum  
 reformidant, repudiant, detestantur, ipsi se pe-  
 periei nomine indignos non solum reddunt,  
 verumetiam profunda turpitudine submersi,  
 beluas transmigrant. Hinc illa flagitia, quæ sibi  
 sò mihi imputantur. Pauperes esse nolunt,  
 rapinis atque aliorum bonis per vim ereptis  
 nefando icelere emptis ditescere cupiunt. Hæc  
 quoniam male succedit, me statim in calum-  
 nam vocant. Licet hoc mihi citra arrogantiae co-  
 men de me prædicare, Paupertas sapientiam  
 perit. Ea homines finxit industrios: & quæ in-  
 centiam amplexa, temperantiae ac honestatis  
 cultrix existit. A. Oh audacem temeritate  
 etiam te laudas? Vix me contineo, quin in  
 unguibus tibi in oculos involem. An non



det scelestissima hæc omnia falsa comminisci ? aut si nullo pudore retardaris, quando eò processisti inverecundiæ, ut quidvis tacere & perpeti tibi imperaveris, nonne reprimere debebant manifesto falsa & excogitata, ut saltem modestius de te quicquam diceres ? Nam ut ad pauca respondeam, quum hac in re veritas ipsa delitescere non possit, quem unquam sapientem vidisti, aut magistratus insigniis præditum, qui extremè pauper esset ? Seu enim artes liberales consideres, sive spectes Philosophiam, aut quamcunque insignem facultatem animo contempleris, in primis liquido constat, neminem, quem divitiæ ac res necessariæ defecerint, ad supremum illud artium dignitatísque culmen conscendere posse. Quis futor hic vel caligarius, aut quantumvis boni ingenii homo, cui fortuna esset tenuis, ad honoris gradus fuit, nascitus ? Innocentiæ certè nullus hostis exitio- sus magis est ipsa paupertate, quæ suadet aut magnum aliquid per fas nefasque, turpe & illicitum moliendum esse, aut suo periculo patient- dum, ut vita interim in tuto esse queat. Unde jam cedò, qui tibi devoti vivunt delicatas e- cupulas sument, aut coenam dubiam ? ubi co- mesationes, balnea, unctiones, bellaria, vina Græca erunt ? Apud te sanè nil aliud quàm mi- seria, calamitas, ac opprobrium. His itaque argumentis quantam tu malorum turbam adse- ras, nec obscurum esse potest, & facile intelli- get quisquis suarum libidinum reminiscitur. P.

Vellem Adulatio, tam posse omnis te crimin  
vacuam cum ista petulanti lingua docere, quā  
tibi est facile immeritam laceffere querelis. Nam  
ego quæ dixi, vera an falsa sint ex historie  
monimentis discere licet : & te scelèstissimam  
esse, & magno me crimine carere non mul  
oratione possum demonstrare, nisi que  
mihi difficillimum erit, istud tibi persuader  
quam neque virtus ipsa ad bonam frugem que  
revocare : aut voluptatis tristis exitus deterre  
re saltem ut resipiscas. *Ad.* Si est quod co  
trā hiscere possis, eloquere, & mitte crimina

onem aut periisti. *Pa.* Dic mihi

Crates Philo-  
sophus divitias  
sprevit.

Crates Philosophus Thebanus  
adeò nihili fecit aurum, ut quum  
suspectaret divitias Philosophi

studium impedire, eas in mare projecit : ratum  
minore dispendio malas cupiditates mersum  
quàm earum se illecebris teneri captum. Non  
ne ergo sensit, paupertatis sobolem esse Philo  
sophiam ? *A.* Ille sponte sua miser esset voluit

*P.* Huc specta, Diogenem Cynicum  
Diogenes. nicum summum philosophum

non puduit diversorii vice dolium usurpare  
Is præterquam quòd animum ab omni cupi  
ne vacuum gereret, etiam hominum potentia  
ita deridebat, ut quum Alexander Imp. rei mi  
raculo excitus, ad dolium accessisset, atque fu  
tè apricantem solem suo obstaculo averteret, ju  
sus est à Diogene illinc faceffere. Aufers, inqu



Rex, cujus præstandi copia tibi nulla est. Cleantes Asianus Philosophus nobilissimæ paupertatis fuit, sed quæ sævientis fortunæ invidia ab hoc summo studio in otium tradere non potuit. Nam quum extrema inopia periclitaretur, noctu irrigandis hortis victum quærebat: interdum Zenonis præceptis animam appulit. Fuit suæ ætatis hominibus miraculo propter rarâ ingenii felicitatē. Nōne igitur vides paupertatē sapientiā reperisse? Eadem sanè & homines reddidit industrios. *A.* Si tu homines reddis industrios, quid tua industria non meliorem tibi vestem aut victum paras famelica? *P.* Mihi sic placeo: attamen verissimum est quod dico. Nec est, quod multis verbis id doceam, quando Melesigenes ille, à calamitate postea dictus Homerus, princeps poeta, & qui omnibus eloquentiæ partibus (ut ait ille) ortum & initium dedit, in ea tamen rerum omnium indigentia & vixit, & educatus erat, ut pulcherrimam ingenii sui foetura panis portione vendidisse memoraretur. *A.* Quid stolidum mihi? *P.* Interturbas etiam? Jam antè dicendi veniam precata sum. *A.* Taceo, perge. *P.* Nævius inter graves Fortunæ minas ingenio fuit erectissimo. Etenim libertate unâ cum rebus omnibus amissa, comædias in ipso carcere scripsit elegantissimas: quibus cum inimicis gratiam, cum hostibus salutem

Cleantes Asianus Philosophus.

Homerus pauper.

Nævius comicus.

Pub. Terentius sibi reparavit. An non P. Teren  
 Afer. tius Afer in ipsa florente ætat  
 duram pauperiem domi militiæque expertu  
 traditur? & quod esset vilior vestitu obitu  
 per ludibrium, initium fabulæ dictus est  
 Tamen eloquentia ille plus quàm Attica, &  
 Plautus. artis comicæ palma in primis ex  
 celluit. Plautus quum Romæ vi  
 tam in luctu & miseria traheret, jamque pe  
 venisset in summum famis discrimen, trulatib  
 bus molis circumagendis operam dedit vict  
 gratia. At quem fors tenuis in miseriam tu  
 bavit, illum insita animo virtus ad supremam  
 gloriam erexit. Comœdias edidit divino eloqui  
 resperfas. Ad eò illi non obfui, ut etiam ad ex  
 laudem quibuscumque ceu stimulis incitaverim  
 Nec illud obscurum esse potest, ut sicut pr  
 stantissimi quique ingenii gloria cæteris insig  
 ter antecelluere, ita divitiis ferè omnibus fu  
 runt inferiores. Quas ideo, opinor, non su  
 mopere affectarunt, quòd vera bona non esse  
 & simul cum hominum vita interirent. Vir  
 certè ac ingenium præstans etiam apud poste  
 laudis memoriam merentur. Ad. Vetusstiss  
 sunt quæ narras, nec vera esse puto omni  
 aut si turpe videatur historiis falsi opinionem  
 appendere, fuit tamen illa ætas rudis adh  
 & ad res congerendas segnior, ignara quæ  
 qui illis nunc multo uberrimus est, quos ce  
 in meo ludo gnaviter edoctos. Nec arbi  
 Homero pecuniæ usum fuisse, qui carmina



non majoris vendiderit, quàm vel Bliteus ille aut Tuforius majorem sibi rem faciant ex sua farragine : nisi ille poëta forsan in fatis habuerit, ut esset miser. *P.* Putásne hodie viros doctissimos existere, qui inter gravem inopiam quam sustinent, pulchre etiam divites sibi videntur ? *A.* Non quod sciam. In Gallia siquidem nemo doctus est, nisi idem opulentissimus. *Pa.* Dixti verissimum, etiam si aliud significare volueris. Galli non ex animi dote aut probitate, sed corporis cultu vehementer splendido, & magnis opibus hominem æstimant. Apud illos majoris sunt homine pistrino & corvis digni, si modo divitiis præpolleant ; quàm literati viri ac probi, qui parum habeant. Alioquin nihil causæ est, quur illi, qui utriusque linguæ professione de studiosa juventute egregiè meriti sunt, . publico stipendio fallantur. Scio juvenem magnæ spei, nec diu adolescentiæ ultimas metas egressum, & qui eruditionis haud dubium specimen dederit, parvam hætenus gratiam ab illis retulisse, in quorum benevolentiam Galeni Medici libros aliquot vertit, non minore fide, quam studio optimo. Itali hoc nomine sunt laudatissimi, apud quos nemo est vel mediocriter doctus, qui non patronum aliquem nanciscatur, cujus beneficio sua studia alat. Sunt hodie in Germania præclara ingenia, quæ utinam ad gloriam foveantur illorum præsidio, qui Reip. gubernatores haberi quam esse malunt: Reperias ibi Christianos homines, qui Evan-

geli amore res suas alioqui amplas ac splendidas in pauperum usus erogant, ipsi sua voluntate ascitam ferunt miseriam, ut in hoc mundo pauperes apud Christum omnis boni authorem ditescant. *Ad.* Verba tua huc spectant ut omnes homines statim fiant mendici. *P.* Erras tu, quum ita accipias. Hæc eò dixi ut intelligas magni boni sæpe me esse causam. Præterea juvenus condiscat aliorum exempla. Paupertatem me ferre, nec animum propter ullam necessitatem à rectis studiis abjicere. *Ad.* Præstat alia via opes quærere, quæ voluptate afferunt, quam longa miseria inanem eruditionis titulum venari. *Pa.* Canis tuam cantilenam. Sed ad innocentiam deveniam. Si illi divitiæ nec ambiverunt, & summam laudem in summa virtute positam rectè putarunt, num igitur fieri potuit, ut innocentia temeritate vacarent. *Ad.* Paupertas non sinit innocentem vitam trahere. *Pa.* Tibi hoc sic videtur, cujus intentio omnis ad explendam corporis voluptate festinat. At illis veræ gloriæ, non voluptatis scopus fuit: argumento etiam sunt, quæ literarum memoria posteris relicta tradunt.

Menenius  
Agrippa consul  
Ro. pauper.

Menenius ille Agrippa consul Ro. Sabinorum triumpho insignis, unus omnium sapientissimus, quod civile dissidium, venenum & pestem opulentarum urbium, citra sanguinem ac mirifico commento in concordiam convertit. Persuasit enim eandem officii necessitudinem



dinem Po. Ro. cum patribus esse, quam haberent corporis membra omnia cum ventriculo, in quo cibus primum in succum coqueretur, qui postea totum corpus sit nutriturus. Et vicit certè populum censûs alioquin, patrûmque injuria exacerbatum, & qui à patribus jam discesserat. Non tamen obstabat egregiæ triumphigloriæ paupertas: quæ tanta illi incubuit, ut publico impendio sepulturæ honos consuli prudentissimo corrogaretur. Lucius Valerius Publicola quartum consul Ro. insignem victoriam retulit ex Sabinis & Veientibus: mortuus adeò pauper, ut collatis à populo nummis, funebrem sumptum habuerit. Marcus Curius divitias etiam sprevisse dicitur, ne vel paupertatis insolentia indecorum sibi, Populoque Ro. moliretur. Nam quum Samnites iterum victi, acceptique in pacis conditionem, legatos suos ad consulem Ro. ingenti pecunia oneratos legarent, ac ille totè syvestres rapas coqueret, respondit: Pulchrius tibi factum videri, si ex vasis fœtilibus rapas edat, quam non imperitare auri frugûmque divitibus. Vides igitur quàm immerito me accuses, quàmve extrêmè errant, qui pauperes infelices vocare audent. A. Tunc id inficiaberis? Pa. Imò maximè. Nam meo quidem animo, nemo pauper est, qui sua sorte contentus vivit: quemadmodum nemo dives, qui se credit e-

Lucius Valerius  
Publicola con-  
sul Ro. pauper.

Marcus Curi-  
us consul Ro.  
pauper.

gentem. Et si exempla hic conferre libeat, feliciores nimirum offendes pauperes divitibus. Id quod apertius tibi constabit, si ad eam mihi ani-

Gyges rex Ly-  
diae.

Aglaus rusti-  
cus & pauper,  
Lydiae rege  
beatior.

num intendas, quæ de Gyge nar-  
rantur. Is namque rex Lydiae di-  
tissimus, Apollinem Delphicum  
consultuit, an se alius quispiam  
foret felicior. Huic divinum ora-  
culum prætulit Aglaum homi-  
nem rusticum & pauperem. Quam mihi nunc  
felicitatem statuis in divitiis? quas ideo miraris  
quod scilicet voluptatis satellites sint perniciosissi-  
mi: cujus gratia stupidissimo cuilibet cum  
maxima turpitudine assentari malis, quam ho-  
neste vivere pauper. *A.* Quid miserrima hisce  
verbis mihi obstrepis? adeone mente co-  
ptam aut insanam me aestimas, ut vel beatissi-  
mis rationibus adducta tibi meme dedere vo-  
lim? Non, si deam te mentiaris, vel auri montem  
promittas. Alia nunc tempora, alii nunc me-  
res. Si te nulla hominum indignatio, qua apud  
omnes gravissimè laboras, commovere possit  
si Apollo ipse mentem tibi meliorem dare ne-  
queat, ut aliquando resipias, saltem te pudeat  
harum sordium: En pro toga splendida, sagu-  
la tibi lacera est: pro auro & argento, pecu-  
culi, pulices: pro domo, casa vento frigori que  
patens. Rursum vide qui color mihi, vestitus  
ornatus, elegantia corporis. Apud reges mihi  
paratur coena, mihi patent fores. Tibi in fa-  
pulo cum jumentis furfures vix esse licebit,



nihil aliud emendicandò extorquere famelica  
queas. Meam consuetudinem expetunt: con-  
viviis, balneisque excipiunt aulici homines.  
Te nemo vel stabularius in primo vestibulo con-  
sistere patitur: neque id injuria. Quis enim  
mortalium paupertatem, rem contemptissi-  
mam lubenter pati possit aut debeat? *Pa.* E-  
numeravi tibi viros & eruditione & probitate  
præstantissimos, quibus amicè mecum conve-  
niebat. Te nemo amat, aut observat, qui se  
nolit apertè derideri, & fortuna omni spoliari  
lacerarique à cane pessimo. Quid quæso adu-  
latio aliud est, quam canis impudens, qui omni-  
bus adulatur, qui subinde dominum propter  
panis partem exiguam commutat? Non itaque  
mirum est, ab aulicis te ali, quos tu ex stultis  
insanos facis. Quòd si sana ratione duceren-  
tur, nolint in sinu colubrum fovere. *Ad.* Non  
satis assequor quid velis. *Pa.* Nempe ergo  
apertè vis, quæ restant, me loqui? *Ad.* Si  
vera dices. *Pa.* Quando illæ insidiæ hominibus  
exitiosissimæ sunt, quæ prius nocent, quàm  
præcaveri possint, aut lateant in simulatione  
officii, quid te una detestabilius, aut iniquius  
excogitari possit, quæ neminem laudes, aut  
palpanti consectoris lingua, quem non sicut  
Gnato ille Terentianus, comedendum & de-  
ridendum omnibus propines? Præterea quum

assentatio, res indignissima homine. Assentatione in vita civili nihil perniciosius.

assentatio amicitiae pestis.

Aristippus philosophus regius canis à Diogene vocatus.

Diogenis sententia.

assentatio quædam ceu vitiorum fomes liberali homine non solum indignissima est, sed quancane pejus & angue odisse oportet, quid in vita civili perniciosius quæ in amicitia alia pestis major. Impegit huic vitio Aristippus philosophus, qui voluptatis cupidine illectus, Dionysio Tyranno adulatur: quare à Diogene *regius canis* dictus est. Ab eodem illud dictum terunt, quum interrogaretur, quæ bestiarum perniciosissima foret, respondit, Ex feris, obtrektor: ex mitioribus, adulator. Et sanè, qui se fallaci astutia circumduci non velit, cum cavere oportet, ne aures palpani assentationi patefaciat. *Ad.* Ha, ha, he, intelligo miserrima Paupertas, quid te urgeat. Felicitatem illam mihi invides, quam tu assequi non potes. *Pa.* Ego mihi illam expetam? mori me honestius est. *Ad.* Quid ergo te movet, ut falsis criminibus me irrites, quum sic ego artem meam tractem, ut mihi vehementer prosum, obsum nemini, quod tu perpetuò soles? *Pa.* Nemini tu noces? an quicquam tam sanctum sit & incorruptum, quod non tuis animi vitiis contamines, si tibi auscultet? Nec adhuc intelligis quæ vera à me tibi sunt objecta? *Ad.* Quæ mihi contentiosa exprobras, ea non tam ex justa criminatione, quàm maligno animo



## D I A L. XII.

animo profecta certò scio. *Pa.* Quando mihi parvam fidem habes, aut arguis malignitatis, num ideo historicæ literæ apud te mentiuntur? *Ad.* Dicis solū ea quæ contra me faciunt.

*Pa.* Describo te ex tuo ingenio & moribus.

*Ad.* Sinistrè illa universa in me torques.

*Pa.* Sinistrè? Ad ea mihi, si potis es, respondeas rogo. Cum Ro. Impe. Com-

modus unus omnium ante se Imperatorum nobilissimus, parentis regno successisset, atque amicorum consilio haud dubiam

Commodus  
Ro. Imp. ab  
adulatoribus  
eversus.

spem paternæ virtutis de se cunctis polliceretur, nonne statim ex aulico famulatio irrepsit adulescentes, qui principis indolem infelicitate corruerunt, eoque adegerunt insaniam, ut omnem vitam foedissimis studiis contaminaret: donec iniquius jam in se & remp. consulens, in cubiculo strangulatus periit? Sed ea adulationis labes ad pejus facinus dein serpsit ac progressa est. Nam Severo Imperatore mortuo, hujus filios Antoninum & Getam lætis acclamationibus Imperatores decernit populus Ro. sed in ipso adhuc ætatis fervore adulatorum ministeria tanto utrumque

alteri odio incensum dedere, ut neque patris amor, neque matris lachrymæ illud postea restinguere valuerunt. Et breve deinde ad tempus, Anto-

Adulatorum  
studia.

ninus

Antoninus per  
adulatores cor-  
ruptus, fra-  
trem Getam  
obtruncat.

Antoninus ob-  
truncatus. Ma-  
ter Ant. & Ge-  
ta sua sibi ma-  
nu mortem  
conscivit.

Bassianus Ro.  
Imp. ab adula-  
toribus sedu-  
ctus.

Tyberius Cæ-  
sar adulationis  
impatientissi-  
mus.

Adulatores  
scopus.

ninus imperii cupidine victus  
fratrem suum Getam, regni con-  
sortem rupto cubiculo, super  
matris pectus sanguine undan-  
tem mucrone trajecit. Factum  
eadem adulatorum opera est

ut pater Severus, moerore, quem ex filio-  
rum dissidio contraxerat, consumptus pe-  
rierit: Antoninus ipse inter na-  
turæ requisita simili clade ob-  
truncatus, Imperii sui finem ac-  
ceperit inauspicatissimum: ma-  
ter filiorum calamitate percussa,  
mortem sua sibi manu conscive-  
rit. Ad eundem ferè modum  
Bassianum Imp: qui Antoninus  
postea dictus, assentatores ever-

terunt. Sed hæc mihi præter opinionem dicta  
sunt, cum tua pernities cognita, etiam me tacen-  
te, historiarum exemplis coarguatur. Quamo-

brem Tyberius Cæsar & sibi, &  
sue reip. prudentissimè consu-  
luisse mihi videtur, qui adulato-  
res perosus, neminem vel officii  
vel honoris gratia ad lecticam

suam accedere passus est. Idem si nostra tem-  
pestate facerent Imperatores, cerneremus, pro-  
fligata illa adulationis peste, bonorum virtutem  
magis ac magis efferri, quæ nunc sceleratorum

violentia jacet oppressa. Ad.  
Frustra apud me hanc operam

con-



consumis Paupertas: animus mihi in deliciis aulicis est, easque conſectabor. nec invideo ut tu nil niſi Paupertas perpetua maneas. Jam adeo intus me recipio: Nam olfacio neſcio quid lautioris edulii Tu interim huc conſiſte, dum aut advoceris, aut aliquis Deus tua malé conſulta reſpiciat Sin longum hoc tibi fuerit, eſt ubi procumbas, ſcilicet in pecorum caſa, quando ego plumis involvor. Sed heus tu, panem jam triduo ſitu obductum per ſervulum ad te mittam, ne inediâ conſecta, breviorẽ miſeriam ſuſtineas. *Ta.* Vide ne aliquando ad me vel invita profugias Quoniam omnis voluptas mala infelicem exitum fortitur.

---

*F I N I S.*